



Fjölbrautaskóli Snæfellinga
BT: Hrafnhildur Hallvarðsdóttir
Grundargötu 44
350 Grundarfirði

Dagsetning 11.3.2026
Málsnúmer MRN25100060

Fjárveitingarbréf 2026

Fjárveitingabréfið er byggt á grundvelli 28. gr. laga um opinber fjármál nr. 123/2015 og 6. gr. reglugerðar nr. 218/2020 um skyldur og ábyrgð forstöðumanna ríkisaðila í A-hluta ríkissjóðs við framkvæmd fjárlaga.

Fjárveitingabréfinu er ætlað að veita **yfirsýn** yfir **tengingar** milli:

- Stefnu málefnasviðs/málaflokks í fjármálaáætlun,
- fjárveitinga til ríkisaðila, sbr. fjárlög og
- framkvæmdar, sbr. stefnumiðaða áætlun ríkisaðila í A-hluta fyrir þrjú ár.

Fjárveitingabréfið upplýsir **formlega** um staðfestingu á stefnumiðaðri áætlun ríkisaðila í A-hluta til næstu þriggja ára, sbr. 31. gr. laganna, og samþykki á ársáætlun, sbr. 32. gr. laganna.

1. Markmið og áherslur málefnasviðs og/eða málaflokks

Starfsemi Fjölbrautaskóla Snæfellinga fellur undir **málefnasvið 20 framhaldsskólastig** og **málaflokk 20.1 Framhaldsskólar**. Í gildandi fjármálaáætlun eru framtíðarsýn og meginmarkmið sett fram fyrir málefnasviðið en markmið, mælikvarðar og aðgerðir sem vinna skal að á tímabili áætlunarinnar koma fram undir málaflokksnum.

Framtíðarsýn er að fleiri einstaklingar verði virkir og skapandi þátttakendur í samfélaginu, vel undirbúnir fyrir þátttöku á vinnumarkaði, tæknibreytingar og fræðilegt og/eða starfstengt framhaldsnám.

Meginmarkmið er að veita framúrskarandi menntun um allt land með áherslu á þekkingu, hæfni, vellíðan, þrautseigju og árangur í umhverfi sem hlúir að öllum nemendum. Markmiðið er að mæta fjölbreyttum námsþörfum einstaklinga og gera öllum kleift að ljúka námi sem stenst alþjóðlegan samanburð.

Markmið málaflokksins hafa víðtæka tengingu við áherslur í stjórnarsáttmála ríkisstjórnar, velsældaráherslur ríkisstjórnar og styðja jafnframt við heimsmarkmið Sameinuðu þjóðanna:

1. Hækka hlutfall nemenda sem ljúka starfs- og tækninámi og jafna kynjadreifingu.
2. Fjölga nemendum sem ljúka námi úr framhaldsskóla.
3. Auka gæði menntunar í framhaldsskólum.

2. Stefnumiðuð áætlun ríkisaðila

Stefnumiðuð áætlun Fjölbrautaskóla Snæfellinga er staðfest. Hún er í samræmi við gildandi stefnu yfirvalda fyrir það/þau málefnasvið/málaflokk sem við á og innan fjárveitinga.

Mælanleg og aðgerðabundin markmið fyrir kjarnastarfsemi á árunum 2026-2028 eru:

1. Að auka ánægju nemenda með kennslu í FSN
2. Að fjölga nemendum við FSN
3. Fjölga nemendum í nýsköpunar-og frumkvöðlamente
4. Fjölga námsleiðum við FSN

3. Ársáætlun og fjárveitingar samkvæmt fjárlögum fyrir 2026

Ársáætlun skal sýna ráðstöfun fjárveitinga samkvæmt fylgiriti með fjárlögum og áætlun rekstargjöld, tekjur og fjárfestingu. Ársáætlun skal vera innan ramma fjárveitinga rekstrarársins að teknu tilliti til höfuðstóls fyrra árs. Bókhald skal fært með þeim hætti að það gefi rétta mynd af stöðu stofnunar á hverjum tíma. Ef veruleg frávik verða frá ársáætlun innan rekstrarársins hvílir sú skylda á forstöðumanni að tilkynna ráðuneytinu án tafar ástæður þeirra frávik og hvernig fyrirhugað er að bregðast við þeim, sbr. 35. gr. laga nr. 123/2015 um opinber fjármál og 7. gr. reglugerðar nr. 218/2020 um skyldur og ábyrgð forstöðumanna ríkisaðila í A-hluta ríkissjóðs við framkvæmd fjárlaga.

Að teknu tilliti til neðangreinds er ársáætlun Fjölbautaskóla Snæfellinga fyrir rekstrarárið 2026 samþykkt.

Útgjaldarammi er **386,7** m.kr. skv. fjárlögum 2026.

| Stofnun/verkefni | Laun | Önnur gjöld | Eigna-kaup | Til-færslur | Gjöld | Tekjur | Greitt |
|----------------------------|--------------|-------------|------------|-------------|--------------|--------------|--------------|
| Fjölbautaskóli Snæfellinga | 295,9 | 85,1 | 5,7 | 0,0 | 386,7 | -20,2 | 366,5 |
| 101 | 295,9 | 85,1 | 0,0 | 0,0 | 381,0 | -20,2 | 360,8 |
| 601 | 0,0 | 0,0 | 5,7 | 0,0 | 5,7 | 0,0 | 5,7 |
| Samtals: | 295,9 | 85,1 | 5,7 | 0,0 | 386,7 | -20,2 | 366,5 |

Helstu breytingar frá fjárlögum 2025 eru eftirfarandi:

| Stofnun/verkefni | Laun | Önnur gjöld | Eigna-kaup | Til-færslur | Gjöld | Tekjur | Greitt |
|---------------------------------------|------------|-------------|------------|-------------|------------|-------------|------------|
| Fjölbautaskóli Snæfellinga | 9,7 | -3,0 | 0,2 | 0,0 | 6,9 | -1,9 | 5,0 |
| 101 | 9,7 | -3,0 | 0,0 | 0,0 | 6,7 | -1,9 | 4,8 |
| Uppfært reiknilíkan framhaldsskóla | -14,2 | -4,5 | 0,0 | 0,0 | -18,7 | 0,0 | -18,7 |
| Launa-, gengis- og verðlagsreikningur | 22,7 | 3,0 | 0,0 | 0,0 | 25,7 | -0,7 | 25,0 |
| Breyting á sértekjum | 1,2 | 0,0 | 0,0 | 0,0 | 1,2 | -1,2 | 0,0 |
| Almennt aðhald | 0,0 | -1,5 | 0,0 | 0,0 | -1,5 | 0,0 | -1,5 |
| 601 | 0,0 | 0,0 | 0,2 | 0,0 | 0,2 | 0,0 | 0,2 |
| Launa-, gengis- og verðlagsreikningur | 0,0 | 0,0 | 0,2 | 0,0 | 0,2 | 0,0 | 0,2 |
| Heildarsumma | 9,7 | -3,0 | 0,2 | 0,0 | 6,9 | -1,9 | 5,0 |

Vakin er athygli á 15 m.kr. framlagi sem veitt var til skólans í árslok 2025 til eflingar gagnavinnslu, en það fjármagn á að vera nýtt árið 2026. Nánari útfærsla á viðfangsefninu verður kynnt síðar á árinu.

Ráðuneytið minnir á að launabætur reiknast á launafjárheimild fjárlaga sbr. tegundaskiptingu hér að framan, en ekki fjárhæð á launalið ársáætlunar. Mikilvægt er að tryggja að tegundaskipting í fjárlögum sé í samræmi við ársáætlun og rauntölur. Ef um teljandi frávik er að ræða er óskað eftir að stofnun veki athygli á því og sendi ráðuneytinu rökstuddar tillögur að breytingum sem stuðst verður við í fjárlagagerð 2027. **Þessar upplýsingar þurfa að berast ráðuneytinu fyrir 15. maí 2026.**

4. Áherslur stjórnvalda í ríkisrekstri

Fjármála- og efnahagsráðuneytið hefur óskað eftir að fagráðuneyti komi á framfæri ýmsum áhersluverkefnum ríkisstjórnarinnar sem eiga almennt við um allar ríkisstofnanir og er ætlað að stuðla að umbótum í ríkisrekstri, sjá fylgiskjal með bréfi þessu. Fjármála- og efnahagsráðuneytið mun jafnframt birta þessar áherslur á vef Stjórnarráðsins svo þær séu aðgengilegar.

5. Skýrslugjöf og eftirfylgni

Ráðuneytið leggur áherslu á uppbyggileg og góð samskipti við framkvæmd laga um opinber fjármál, nr. 123/2015 Innleiðing og framkvæmd laganna er ferli stöðugra umbóta.

Næstu skref eru undirbúningur fjármálaáætlunar 2027-2031 sem leggur línurnar fyrir þriggja ára stefnumiðaðar áætlanir ríkisaðila 2027-2029 og fjárlög 2027. Gert er ráð fyrir fundum ráðuneytisins með hverri stofnun a.m.k. einu sinni á árinu 2026. Þar fyrir utan verði fundir ef þörf krefur, t.d. vegna stefnumótunar málefnasviðs og málaflokka í fjármálaáætlun, yfirferðar á markmiðum og mælingum sem þeim tengjast, yfirferðar á áætlunum og yfirferðar á ársskýrslu.

| Samskipti, skýrslugjöf og eftirfylgni | | |
|---------------------------------------|---|---|
| Mánuðir | Ráðuneyti | Stofnun |
| Apríl | | Sendir skýringar á frávikum frá áætlun og hvernig fyrirhugað er að bregðast við þeim, fyrir 22. apríl , – ef veruleg frávik eru á áætlaðri stöðu miðað við bókhald fyrsta ársfjórðungs. Skila fjárlagatillögum fyrir 20. apríl fyrir árið 2027 (sbr. 22. gr. LOF). |
| Mái | | Upplýsir ef breyta þarf hagrænni skiptingu fjárveitinga og/eða fjárfestingarframlagi fyrir árið 2027, fyrir 15. maí 2026 . |
| Júní | Birtir ársskýrslu ráðherra 1. júní . Í kjölfar samþykktar Alþingis á fjármálaætlun 2027-2031: Upplýsir um meginforsendur fyrir fjárveitingar komandi árs – ef um verulegar breytingar er að ræða, eftir því sem vinnu við skiptingu fjárheimilda málaflokka miðar fram. | Hefur vinnu við stefnumiðaða áætlun 2027-2029 í kjölfar samþykktar Alþingis á fjármálaáætlun. |
| Júlí | | Sendir skýringar á frávikum frá áætlun og hvernig fyrirhugað er að bregðast við þeim, fyrir 22. júlí , – ef veruleg frávik eru á áætlaðri stöðu miðað við bókhald annars ársfjórðungs. |
| Ágúst | | Upplýsir ef breyta þarf fjárfestingaframlagi ársins 2026, fyrir 15. ágúst 2026 . |
| September | Kallar eftir ársáætlun, stefnumiðaðri áætlun 2027-2029. Kallað verður eftir stefnumiðaðri áætlun fyrri hlutann í september. | |

| | | |
|-----------------|---|--|
| | Fundur ráðuneytis með einstökum stofnunum um fjármál og áætlanagerð. | |
| Október | Yfirfer stefnumiðaða áætlun og samþykkir/staðfestir með fyrirvara um breytingar Alþingis á fjárlagafrumvarpi, fylgiriti og/eða greinargerð. Endanleg fjárveiting til stofnunar mun liggja fyrir innan tveggja vikna frá samþykki fjárlaga. | Í kjölfar framlagningar á fjárlagafrumvarpi 2027 ásamt fylgiriti og greinargerð: Skilar ársáætlun 2027, stefnumiðaðri áætlun 2027-2029 og fjárlagatillögum fyrir árið 2027, fyrir 15. október . Sendir skýringar á frávikum frá áætlun og hvernig fyrirhugað er að bregðast við þeim, fyrir 22. október , – ef veruleg frávik eru á áætlaðri stöðu miðað við bókhald þriðja ársfjórðungs. |
| Nóvember | Yfirfer innsenda ársáætlun 2027 og samþykkir/staðfestir með fyrirvara um breytingar Alþingis á fjárlagafrumvarpi, fylgiriti og/eða greinargerð. Endanleg fjárveiting til stofnunar mun liggja fyrir innan tveggja vikna frá samþykki fjárlaga. Boðar hverja stofnun á fund um innsenda stefnumiðaða áætlun. | Sendir endurskoðaða ársáætlun 2027 til samþykktar – ef breytingar verða á fjárveitingu í meðförum Alþingis. |
| Desember | Samþykkir ársáætlun og staðfestir stefnumiðaða áætlun með fjárveitingabréfi, enda séu kröfur uppfylltar. | Færir ársáætlun 2027 í ORRA fyrir 31. desember. |

Ráðuneytið óskar eftir því að stofnunin skili ársskýrslu fyrir árið 2025 fyrir 1. maí 2026. Í skýrslunni skal gera grein fyrir eftirfarandi þáttum:

- Árangur af markmiðasetningu í stefnumiðaðri áætlun stofnunar, stöðu árangursmælikvarða.
- Framvindu og ávinningi af áhersluverkefnum.
- Fjárhagslegri afkomu: Ársreikningur.
- Almennri starfsemi; kjarnastarfsemi og rekstrarþáttum og öðrum áherslum.

Fyrir hönd ráðherra,


Ásgeir Runólfsson


Halldóra Elín Ólafsdóttir

Áherslur í ríkisrekstri fyrir árið 2026

Helstu áherslur í ríkisrekstri til næstu ára snúa að bættri þjónustu og hagkvæmari ríkisrekstri með einfaldari stjórnsýslu og hagræðingu í rekstri. Til að styðja við áherslurnar standa stofnunum til boða ýmis verkfæri.

Góð þjónusta

- Taki Stafræn skref í samvinnu við Stafrænt Ísland.
- Taki þátt í þjónustukönnun ríkisins til að meta gæði þjónustunnar.
- Miðli upplýsingum á forsendum notenda, með hliðsjón af efnisstefnu Ísland.is.
- Kynni sér þjónustukerfi Stafræns Íslands.
- Taki þátt í stafrænni hæfnikönnun og nýti endurmenntunarsjóði til framþróunar mannauðs.
- Skoði aðgerðir til að bæta netöryggi í rekstri tölvu- og netkerfa stofnana og fylgist m.a. með tilkynningum CERT-IS netöryggissveitar íslenskra stjórnvalda.
- Tryggi öryggi gagna meðal annars út frá öryggisflokkanum gagna ríkisins..

Öflugur mannauður

- Móti mannauðsstefnu stofnunar í takt við stefnu ríkisins í mannauðsmálum og þarfir samfélagsins hverju sinni.
- Nýti námskeið Stafræna skólans til að efla stafræna færni starfsfólks.
- Skilgreini ferla mannauðsstjórnunar, s.s. ráðningarferla, hæfnigreiningar, starfsþróunaráætlanir og fræðslu sem tekur mið af framtíðarþörfum stofnana. Fylgi leiðbeiningum sem koma fram á mannauðstorgi ríkisins.
- Nýti námskeið stafræna skólans til að efla stafræna færni starfsfólks.
- Hugi að samsetningu mannauðs með tilliti til fjölbreytileika og inngildingar m.a. með því að fjölga sveigjanlegum störfum fyrir fólk með skerta starfsgetu.
- Skrái mannauðsgögn í miðlæg kerfi ríkisins, Oracle launakerfi og Vinnustund.
- Öll störf séu auglýst óstaðbundin nema sérstakar aðstæður krefist annars.

Sjálfbær rekstur

- Hagræði í rekstri með notkun rammisamninga og endurútboða eldri samninga og nýti til þess innkaupamælaborð og ráðgjöf Fjársýslunnar.
- Auki þekkingu starfsfólks á innkaupum í gegnum Innkaupaskólann.
- Séu vakandi fyrir nýjum leiðum til að auka skilvirkni í starfsemi hins opinbera og fyrir nýjum tækifærum til samreksturs.
- Skoði fjárfestingarframlag við endurnýjum eldri upplýsingatæknikerfa.
- Kynni sér ávinningsmat stafrænna ferla hjá Stafrænu Íslandi.
- Nýti skýjaþjónustur meðal annars í gegnum núverandi samning um skýjaþjónustu.
- Skoði möguleika á að nýta upplýsingatækni í auknum mæli og gervigreind með aukna framleiðni og rekstrarhagræði að leiðarljósi.
- Taki græn skref í ríkisrekstri og tryggi virka umhverfisstjórnun.